



WHAKAIRO

PAEREWĀ 23014 (Taura 2)

Te whakawhanake whakaaro kia waihanga whakairo

(Kaupae 3, Whiwhinga 6)

PUKAPUKA ĀKONGA



INGOA

WĀNANGA / KURA

KAIAROMĀTAI / KAIKO

TAU ĀKONGA NSN

Tēnā koe

Anei tō pukapuka aromatawai mō te Paerewa Te Ara Tauira Whakairo **23014: Te whakawhanake whakaaro kia waihanga whakairo.**

Paearu aromatawai

| Paetae | Kaiaka | Kairangi |
|---|--|--|
| Te whakawhanake whakaaro kia waihanga whakairo. | He kaiaka te whakawhanake whakaaro kia waihanga whakairo | He kairangi te whakawhanake whakaaro kia waihanga whakairo |

KOTAHI (1) te tūmahi aromatawai mō tēnei paerewa hei whakaoti tika i a koe. Ko ngā taumata whiwhi o te paerewa nei, ko te PAETAETAE, ko te KAIAKA, ko te KAIRANGI hoki.

Ngā tohutohu

Ko te aronga o te tūmahi aromatawai nei, he whakarite, he whakawhanake, he whakamahine hoki i ngā whakaaro toi ataata mō te whakairo.

Ka whakamārama atu tō kaiaromātai/kaiako e ai ki te wā kei mua i a koe hei whakaoti.

Kaua e wareware ki te whakatakoto tohutoro mō ngā kōrero katoa. Me kōrero tahi kōrua ko tō kaiaromātai/kaiako.

Ngā ture

- Me whakaoti tika i ngā tūmahi katoa kia whiwhi ai koe i te paerewa nei.
- Mā kōrua ko tō kaiaromātai/kaiako e whiri kōrero e ai ki āu mahi whakaatu me āu rauemi hoki ka whakamahia (pēnei i te rorohiko, te kāmera, te aha atu, te aha atu)
- Me whakaoti tūmahi i roto i ngā hāora o te akomanga engari mō te rangahau me te kohikohi kōrero, kei a koe anō te tikanga
- Mā tō kaiaromātai/kaiako e kōrero mō ngā tukanga aromatawai, aromātairua rānei
- Mā tō kaiaromātai/kaiako e whakarite āheinga pea ki te ipurangi, ki te wharepukapuka, ki te marae, ki ngā whare taonga rānei
- E taea ai te mahi takirua, takirōpū rānei engari ka aromatawai tonu i āu ake mahi.

Te hāponotanga

E ai ki ngā ture o NZQA:

- Nāu anō ngā mahi katoa i whakarite hei aromatawai
- Mā te kaiaromātai/kaiako e whai whakaaro (e whakatau) mēnā he mahi kua tāruatia, kua kapea rānei i tētahi atu ākonga, i tētahi pukapuka, i te ipurangi, i te aha atu, i te aha atu.

E taea e koe te ako ngātahi, te mahi ngātahi rānei i ētahi atu tangata hei kohikohi kōrero i ngā puna tautoko huhua. Heoi anō, me mātua mōhio nei te kaiaromātai/kaiako nāu anō ngā mahi i whakarite, i whakatakoto. Hei akiaki tonu i te hāponotanga o āu mahi katoa me whakamahi anō koe i āu ake kupu, ā, me noho mai he āpiti tohutoro i āu puna tautoko.

Me he pātai, he āwangawanga anō ōu, kōrero ki tō kaiako.

Pēhia te paehono nei mō ngā tānga kōrero me ngā whakamārama:

<http://www.nzqa.govt.nz/providers-partners/assessment-and-moderation/assessment-of-standards/generic-resources/authenticity/>

KO TĀ TE ĀKONGA PEPA AROMATAWAI

INGOA

NSN #

Putanga 1**Te whakawhanake whakaaro kia waihanga whakairo****Te whānuitanga: Te whakairo ahu-rua, ahu-toru hoki**

Tūmahi Aromatawai 1 – Ka arotake hoki tēnei tūmahi i ngā paearu 1.1, 1.2

Ngā whakairo ahu-rua, ahu-toru

E RUA ngā wāhanga ki tēnei tūmahi aromatawai.

1. Me whakarite, whakawhanake, whakamahine whakaaro hei aratohu ki te waihanga whakairo ahu-rua, whakairo ahu-toru rānei.

Tirohia te rārangi toirau e whai ake nei:

- te huahua whakairo
- te tuhinga roa
- te whakaahua
- te taonga.

2. Me whakatātari whakaaro kia whakawhanake ai he tukanga nahanaha hei whakatau i ngā raruraru ka puta mai pea i te waihanga whakairo..

Me whakarārangi kōrero i āu ake kupu, ā, me noho mai he tohutoro i āu puna tautoko.

Kia maumahara noa koe

Mō te Paetae

Me whakawhanake whakaaro kia waihanga whakairo mā te:

- whakarite, whakawhāiti whakaaro hoki kia waihanga tika i te whakairo
- tātari whakaaro kia whakatau ai ngā raruraru ka puta mai i te mahi waihanga whakairo

Mō te Kaiaka

Me kaiaka te whakawhanake whakaaro kia waihanga whakairo mā te:

- whakamārama i ngā rauemi whakairo, ngā toirau whakaatu huhua me ngā rangahau kōrero e tautoko ana.

Mō te Kairangi

Me kairangi te whakawhanake whakaaro kia waihanga whakairo mā te:

- whakatātari, te whakatairite i ngā whakairo huhua e ai ki te kounga o te whakaatu, o te rangahau kōrero, o te kaupapa e tohua ana i te mahi whakairo mai i te tīmatanga o te whakaaro ki te puāwaitanga o te whakairo.

Me he pātai āu, he āwangawanga rānei ōu – kōrero atu ki tō kaiako.

Kia kaha rā!

He pitopito kōrero:

He pitopito kōrero: